

黃氏逸書考

子史鈎沈

逸書考

劉道蒼晉起居注

甘泉黃夷學

勿設伎樂

太始元年詔曰朕遭憫凶奉承洪業追慕罔極正日雖當受朝其伎樂一切勿有所設又殿前反宇及文武帳織成帷幙之屬皆不須施

御覽二十九

中軍將軍

太始元年置中軍將軍總宿衛羊祜爲之也

書鈔六十四

尙書令

太始元年詔曰尙書令總百揆端右之職也
是以自漢代以來每慎選此官

書鈔五十九

下邳王

太始元年詔曰益州險遠素號難治宜以重
將親鎮撫之以中郎將下邳王晃爲之

書鈔七十

縣令

太始元年詔曰若縣令有掾屬才堪治民者

當以參選

書鈔七十八

太始元年詔曰百官長史親民之要也

書鈔同上

太始元年詔曰昔孝宗重治民之職

書鈔同上

解職

武帝

原作孝武

太始元年詔大臣疾病假滿三月

解職

初學記二十

御覽六百三十四引作

孝武太元元年案太始則爲武帝太元則爲孝武檢晉書太始元年太元元年俱無此事

白帖休假引武帝詔大臣疾假滿三月不差解職據此則當在武帝時

王恂

太始元年詔曰給事黃門侍郎王恂篤志好學不殞先業久歷朝班職用有效宜拾遺左右其以恂爲散騎常侍

書鈔五十八

武帝咸寧三年詔曰河南百郡之首其風教宜爲遐邇所模以導齊之侍中奉車都尉王恂忠亮篤誠才兼內外明於治化其以恂爲

河南尹

御覽二百五十二補引

書鈔七十六陳

高陽王

武帝太始二年詔鄴城守事宜速有人又當
得親親有文武器任者高陽王珪今來之國
雖當出爲藩輔以才幹事亦古之制也其以
珪爲督鄴城守事北中郎將御覽二百四十
一
尙書高陽王珪忠允善政以珪爲右僕射初學
記十一

宗正卿

咸寧元年以大中大夫王覽爲中正卿太始
二年以侍中中書監朱整爲宗正卿御覽二
百三十

三等將軍

太始二年詔曰大國三軍領兵五千人次國
二軍領兵三千人小國一軍領兵二千人上
中下三等將軍

書鈔七十七

樹蕃

武帝太始二年詔曰列土樹蕃以鎮服九服
書鈔七十

嘉柰

嘉柰一帶十五寶或七寶生於酒泉

初學記
二十八

月 日帖奈 據李軌泰始起居注在二年六

采女美人

泰始三年使使持節兼五官中郎將宗正丞
司馬恢拜崇陽園妾李玉爲脩華王宣爲脩
容徐玉爲脩儀吳淑爲婕妤趙珽爲充華九
年有司奏禮唯皇后聘以穀主無妾媵設玉
之制詔曰拜授可依魏氏故事十年上臨軒
使持節兼太常洛陽令司馬啟拜采女胡芳
爲貴嬪又使使持節兼御史中丞太子舍人

司馬誕拜采女劉媛爲淑妃臧曜爲淑媛芳
爲淑儀趙粲爲脩華陳琇爲脩容咸寧三年
拜美人左嬪爲脩儀邢蘭爲婕妤朱華爲容
華御覽一百四十五

立嫡

武帝太始三年有司奏正統立嫡詔曰統承
大業懼未能光祖宗之遺德至於建嗣樹嫡
非所務也

初學記十

二傳

武帝太始三年始置太子二傅是時官事大小皆由二傅立草少傅寫之

御覽二百四十四書鈔六十

五引三年作中無始太子三字無是時二字官事作官事皆下無由字草作章

安平王

太始四年正月上臨軒朝羣臣於太極前殿詔安平王與車昇殿上迎拜於阼階下坐上親奉觴上壽皆如家人之禮王拜上皆跪而止之

御覽二十九又七百七十四引太始四年正月上臨軒太宰安平王字載與昇殿

書鈔一百四十引太始四年正月上臨軒太宰安平王字載與升殿

韓伯

武帝太始四年詔曰尙書韓伯陳疾解職漢
軍閑無上直之勞可得從容養疾更以伯爲
領軍將軍

書鈔六十四

拜太傅

武帝太始五年詔太子拜太傅如事師之禮

書鈔六十四

荀顗

武帝太始六年詔曰朕承洪業昧於大道司

訓五品以康四海侍中司空荀顗明允篤誠
思心通達翼亮先王遂輔朕躬其以顗爲司
徒

書鈔五十二

詔司徒

武帝太始六年詔曰昔舜命九官契司五教
所以崇王化示民軌儀也

書鈔五十二

中護軍

泰始七年詔曰中護軍與領軍史皆掌禁兵
典選武

書鈔六十四泰始原訛作秦始皇

尙書

太始七年詔曰尙書括可機之以二紀綱綜

詳朝政也

書鈔五十九案語有脫誤

胡奮

武帝泰始七年詔曰議郎胡奮開爽忠亮有

文武才幹歷位內外涉練戎事威畧之聲著

於方外其以奮爲冠軍將軍

御覽二百三十九書鈔六十

四引武帝詔曰議郎胡奮有文武才幹涉練戎事

羊琇

武帝太始七年詔曰中護軍職典武選宜得
堪幹其事者左衛將軍羊琇有明膽才見乃
心在公其以琇爲中護軍

御覽二百四十

後將軍

太始八年置後將軍掌宿衛

御覽二百三十

羊祜

太始八年詔曰衛將軍羊祜歷文武有佐命
之勲其以爲車騎將軍開府如三司之儀

御覽

二百四十三

故南城侯羊祜固辭歷年志不可奪身沒讓
存遺操益厲此亦夷齊所稱賢也今聽復木
封以彰厥美 藝文五十一

東平王

太始十年詔東平王懋爲員外常侍通殿中
直散騎常侍通直之號蓋自此始也 書鈔五十八

立廟

武帝太安中詔曰往者乃魏氏舊廟處立廟
既壅蔽不顯又材木弱小至今中間有毀壞

之患今當修立不宜在故處太僕寺南
道地形顯敞更於此營之主者依典禮施
御覽五百三十一 書鈔八十七 陳補引
案太安是惠帝年號文字誤據晉書當作
始二年

皇甫謐

武帝咸寧元年詔曰男子皇甫謐沉靜履素
守學好古與流俗異趣其以謐爲中庶子
二百四十五

曹志

咸寧二年詔曰甄誠公曹志爲篤行道履先
覺宜在儒林闡弘胄子

書鈔六十七

左右常侍

武帝咸寧三年大國置左右常侍贊相威儀
獻納臧否

書鈔七十一武帝原詔成帝

賈充

太尉賈充薨皇太子妃之父又太保也有司
奏依漢元明二帝親臨師保故事皇太子素
服爲發哀又臨其喪

後漢書禮儀志下注

張華

咸寧五年詔曰一年不收使公私俱匱不唯
天時乃人事有不盡也故總要者正在度支
尙書也其以散騎常侍中書令張華爲度支
尙書

御覽二百十七

太康元年詔曰張華前與故太傅創謀大計
部分方竿有謀謨之勲封廣武侯邑萬戶

二百

御覽

中書監光祿大夫張華歷世腹心情所憑賴

故酬其勲績使儀同三司而虛沖損抑難爲
高尙其以華爲光祿大夫儀同三司本職加
故又給親信滿百人

御覽二百四十三

太常張華止案舊事拜公建始殿因以小會
今拜公於太極殿亦宜因以小會所以崇宰

輔也

藝文二十九 御覽五百三十九引止
作上書二字無今拜公至小會十三字

白麀

咸寧中白麀見魏郡後諸州各送白麀

藝文九

五

御覽九百七

歸命侯孫皓

武帝太康元年詔曰江表初平天下同其歡
豫王公卿士各奉禮稱慶其於東堂小會設
樂使加於常五月庚寅御臨軒大會於太極
殿前四方賀使國子太學生司徒吏副將以
上及吳降將吏皆與會詔引歸命侯孫皓上
殿稽顙陳恩謝罪稱萬歲

藝文三十九書
鈔八十二引太康

元年五月吳主御臨軒大會羣臣於殿前

山濤

太康元年詔曰山濤自典官人之任志在澄
清風俗其以爲左僕射

書鈔五十九

荀良

武帝太康元年詔曰方今天下無事所重惟
民魏郡大都會也太守宜得其才宜以荀良
爲魏郡太守

書鈔七十四

左右僕射

太康元年詔曰尚書舊置左右僕射所以恢

演政典協宣庶績

書鈔五十九

初學記上

齊王攸

太康二年齊王攸統總軍事詔議藩王令自
選國內長史典令

書鈔七十二陳補

魏舒

武帝太康四年詔曰吏部掌敘人倫治化之
本也宜得忠正舊德尙書右僕射魏舒寬泰
弘毅潛通有才識其以舒爲左右僕射領選

曹

御覽二百十一

何劭

武帝太康四年詔曰何劭已歷試朝位博雅有拾遺顧問之才其以劭爲侍中

書鈔五十八

朱整

太康四年八月詔曰選曹銓管人才宜以忠恪寡欲抑華崇本者尙書朱整周慎廉敬以道素自居是其人也其以整爲吏部尙書

御覽

二百十四又四百三十引無八月二字詔作制管作簡宜以作宜得忠恪作忠謹本下無者字廉敬作廉讓無道素二字引至是其人也書鈔六十引無八月二字無寡欲二字華作末無周慎廉敬四字無是其人也四字文選王仲寶褚淵碑文注引太康至人才

才作材 自帖吏部引無八月二字忠恪下
卽接朱整以道素自居引至此止

張建

武帝太康七年詔曰郎中張建忠篤履素爲
江表士大夫所稱宜在中朝其以建爲給事
中 初學記十二 御覽二百二十一

馮翊

太康七年詔曰尙書馮翊忠亮在公厯職內
外勤恪匪懈而疾未差屢求放退其以翊爲
散騎常侍賜錢二千萬牀帳一具 初學記十
二 御覽

二百二十四引翊作統

太子率更

武帝太康八年詔曰太子率更僕中宮之達官其進品第五與中庶子衛率同職擬光祿勳也

御覽二百四十七書鈔六十六引分作二條僕作令品第五下作秩與衛率同無末五字

太子家令

武帝太康八年詔曰太子家令東宮之達官也

書鈔六十六

師襲向凱

太康八年吏部郎師襲向凱上言欲使舍人洗馬未更長史不得爲臺郎未更吏不得爲主尉

書鈔七十八

入爲常伯

太康八年詔曰昔先王御俗以興至治未有不先成民事者也漢宣識其如此是以嘆息良二千石今欲皆先外郡治民著績然後入爲常伯納言及典兵宿衛黃門散騎中書郎

御覽二百五十九

王琛

太康十年詔尙書郎王琛每所陳論意其忠
讜其以爲中庶子

御覽二百四十五

嘉麥

太康十年嘉麥出扶風郡一莖兩

原作而

穗傾

皆有枝實三倍

初學記二十七

御覽八百

作一莖四穗收實三倍

趙享

太康中詔曰議郎趙享質稟純粹思議通濟
學之有舊方欲敘授而得此薦意常念之
書五十六

郡縣

咸寧三年以齊東郡縣爲長廣郡領縣四戶
二千九百六十六口二萬二十三去州五百
去京都一千九百五十

宋書州郡志二

太康元年改江夏石陽曰曲陽明帝太始二
年併安陸

宋書同上

沙渠令太康元年立

宋書州郡志三

太康四年復立南郡之監利縣尋復省之

宋書

同上

太康元年改江夏爲武昌郡領縣三戶二千五百四十六口一萬一千四百一十一去京都水一千一百

宋書同上

武帝太康元年改梓潼之漢壽曰晉壽

宋書同上

太康二年置興古之都唐縣

宋書州郡志四

牟奴國

太熙元年正月牟奴等國大小口十七萬九千餘人各遣正副使詣護東夷校尉何龕上鳳方物

御覽七百八十七

盧浮

武帝太熙元年詔曰盧浮修行明經以爲國子博士

書鈔六十七

封皇子裕

武帝詔皇子裕生七歲矣得疾始封平王

御覽

一百九十九

隴西王

武帝詔曰關中內屏京畿外藩河右北扞戎狄南鎮巴漢宜任懿親以靜西土隴西王素秉心純亮

書鈔六十四案純亮下語氣未完

封武邑王

武帝詔安平獻王孫承昔以父早亡不逮大祚以縣封之今以三縣封爲武邑王

御覽一百九十一

王仲

武帝詔曰故司空王基夙爲先帝授任基子
尙書郎仲其以爲治書御史

書鈔六十二

賈充

武帝詔曰尙書令百揆之首總參機衡出納
朝政治績之所由也車騎將軍賈充忠允清
正通理經遠迪文武謨勲弘著

疑脫其以充
一字

守尙書令

書鈔五十九陳補

王濟

武帝詔曰駙馬都尉王濟忠篤好學問有文

劉道蒼晉起居注

章器幹其以爲中書侍郎

書鈔五十七

鄭袤

武帝詔曰鄭袤體行純正履道冲粹退有清和之風進有素絲之節宜齊三階之曜補委職之闕明弼朕躬匡其不逮其以袤爲司空

御覽三百八

書鈔五十二

引體作履履道

作守道齊作登

無明弼八字

初學記十一

句

引武帝詔鄭袤曰體行純正至末無明弼二

書鈔四十六引晉起居注武帝詔封城州

近不知所屬姑附於此

荀勗

詔曰尚書令荀勗旣久羸毀可賜乳酪大官

隨日給之

書鈔一百四十七案晉書荀勗卒於太康十年則此詔亦出武帝

白帖酪引無詔曰二字

中庶子

武帝置中庶子一官要任

書鈔六十六

洗馬

武帝置洗馬八人掌國籍釋奠稱經則掌其

事

書鈔六十六

東宮洗馬一時之高選

書鈔同上

典書令

晉武置典書令掌國教令

書鈔七十一

學官令

晉武置學官令主貢舉秀異典衛王官

書鈔七十一

衛瓘

太保衛瓘明允篤誠有匪躬之志其給千兵

騎百人

書鈔五十二

初學記十二

御覽

太尉將軍衛瓘忠允清識有文武之才宜令
宣風萬里

青州刺史以統戎政

書鈔七十

惠帝追封衛瓘爲郡公

御覽二百

董猛

惠帝永平元年詔曰中常侍董猛固讓封邑
其封爲武安侯猛前求餘戶封三兄今皆封
爲亭侯

御覽二百一
安侯

書鈔四十八引至武

秘書

惠帝永平元年詔曰秘書綜理經籍考校古

今課試署吏有四百人宜專其事

書鈔五十七

王渾

元康元年詔曰司徒王渾秉法從王思量弘遠歷位外內文武勲庸著在方策宜參弼機衡以亮天工其可錄尚書事

書鈔五十九

元康十年詔曰司徒王渾秉德清正思量弘遠歷位內外茂著勲庸宜大弼機衡以亮天工其以爲尚書令

書鈔五十九案此卽上條事十年十字據晉書惠

帝元康止九年

王戎 裴楷

元康元年詔曰光祿大夫王戎光祿大夫裴楷開府辟召儀同三司

御覽二百四十三

淑妃貴人

惠帝元康五年才人謝玖進爲淑妃有司奏當與三夫人以下同拜詔宜在後也永寧元年詔曰峻陽園淑妃公孫明識貞粹今進位爲貴人

御覽一百四十五

虞松

元康六年以後不常親郊社制度廢弛太常
虞松考正舊儀無不悉備

書鈔五十三無不
原訛作死不

王戎

惠帝永康元年詔曰夫興治成務要在官人
銓管之爲任不可假人授侍中中書令光祿
大夫王戎鑒識明遠其以戎領吏部

書鈔六
十

王戎領吏部未嘗進寒素退虛名田園遍於

天下

白帖吏部以舉賤引至虛名進下退下
俱有一字

琅邪王

惠帝永寧元年詔曰散騎常侍琅邪王睿日
新匪懈宜在機近其令睿通直也

書鈔五十八

王恢

惠帝詔王基爵祚再紀以孫恢紹公

書鈔四十八

石行

惠帝詔石苞國祚莫繼以孫行爲公

書鈔四十八

石龜

永嘉六年石龜出瀾水

藝文九十九

封東海王

惠帝詔侍中司馬越討楊駿之功封東海王
食六縣御覽一百九十九

元帝

元帝琅邪王子母曰夏侯氏帝生有白毫生
於目左角龍顏隆準眼有光曜御覽三百六十三元帝舊誤作懷帝

晉王姬

元帝太興元年

原作五年案元帝太興止四年今從御覽

上臨軒

使冊命晉王太子妃庾氏爲皇太子妃

初學記十

御覽一百四十九引無太子二字庚下無
氐字

荀組

太興二年八月詔司徒荀組讚朝政令錄尙
書給班劔六十人

盧謔

太興四年詔曰今以前司空從事中郎盧謔
爲散騎侍郎在員外

御覽二百三十四

周顗

永昌元年正月詔曰左僕射所以廣括賢俊

經始萬化之機護軍周顥可進爲左僕射領

選

書鈔五十九周顥原謫作荀顥案永昌是元帝末年號此時荀顥已卒據晉書元

帝

永昌元年加僕射周顥尙書左僕射今據

嘉禾

武帝世嘉禾三生元帝世嘉禾三生其莖七

穗

藝文八十五

北郊

明帝大寧三年上親祀七月又詔曰自中興以來雖南郊未嘗北郊五岳四瀆名山大川

應望秩者廢而未舉居其官者舉其職司其事而令一代之典闕而不備主者詳依舊處
御覽五百六十七

古鼎

咸和元年宣成春穀縣民獲古鼎可受二斛
餘羣臣畢賀
藝文九十九

鷗鳥

咸和二年正月饗萬國有鷗鳥五集殿明年
蘇峻反
御覽二十九

大斧車

成帝咸和四年作琅邪王大斧車六十枚侍
臣創八枚將軍手戟四枚

御覽三百三十九

庭燎

成帝咸和八年十二月有司奏庭燎在止車
門外今更集議舊在端門內施詔曰尙書奏
九年底燎當在端門內元明帝時在止車門
內可依舊安司徒錄公命當率由舊章宜在
端門內

藝文八十 御覽八百七十一引至
可依舊安舊在端門內下有依舊門

內四字明帝上無元字

戴綬

成帝咸和中詔大樂令戴綬教習伎樂勤勞

賜米百斛布三十疋

書鈔五十五 御覽二百二十九引習作官百

斛作百石三十作二十

西陽王

咸康元年以太宰西陽王兼宗室長厚時加
禮敬依安平王故事設牀帳於後

書鈔五十

河北謠

咸康三年河北謠曰麥如土殺石虎

御覽八百三十八

彫胡米

咸康四年尚書倉部奏下揚州彫胡米一升
至五年正旦進御詔停

御覽二十九

賜綠醺酒

十二月丙子正旦會百僚賜綠醺酒人二升
御覽二十九

樂謨

咸康七年十二月尙書樂謨奏八年正會儀
注唯作鼓鐘其餘伎樂盡不作詔曰若元日
大饗萬國朝宗廷廢鐘鼓之奏朕聞起居之
節朝無磬折之音賓無蹈履之度其於事儀
不亦闕乎卿諸人當準量輕重以制事中則
情典並隆國無滯儀矣

御覽二十九

孫朝

咸康八年司徒王導表員外常侍孫朝八年
告老弃身茨茅永絕榮祿宜給本官秩俸以

終餘年

御覽二百二十四

書鈔五十八引

孫朝下

無八年二字無弃身二句無

俸字

施紗幃郭

永和元年正月辛未朔雨不會甲戌皇太后

登太極前殿施紗幃郭與上臨饗羣臣

御覽二十

九

畫輪車

穆帝永和六年皇太后嘗與帝俱出拜陵太后乘畫輪車以輦爲副輶尙書令曰故事太

后出當乘輦車至建平陵門外易載

書鈔一百四十

御覽七百七十五引拜陵下作楚日尚書令啟曰太后乘畫輪車以輦爲副詔曰故當乘輦車至建平陵門外易載

合朔

永和中廷尉王彪之與揚州刺史殷浩書曰太史上元日合朔談者或有疑慮卻會與否昔建元元年亦元日合朔庾車騎寫劉孔才所論爲不得禮苟令從之是勝人之一失何者禮云諸侯旅見天子入門不得終禮而廢

者四大廟火日食后之喪雨霑服失容尋此
四者之旨自謂諸侯雖已入門而卒暴有之
則不得終禮非爲先存其事而僥倖史官推
衍錯謬故不豫廢朝禮也夫三辰有災莫大
日食史官告譴而無懼容不修豫防之禮而
廢消殺之術方大饗華夷君臣相慶豈復是
將虔天災罪己之謂且檢之事實合朔之儀
至尊靜躬殿堂不聽政事冕服御坐門闥之
制與元會禮異自不得兼行當權其事儀合

朔之禮不輕於元會元會有可卻之禮合朔
無可廢之義謂應依建武故事卻元會浩從
之竟卻會

御覽二十九

賜醪醕酒

穆帝升平二年正月朔朝會是日賜衆客醪
醕酒

藝文三十九

白虎樽

穆帝升平二年尙書左丞相

相字疑衍

劉兗元會

日彭城計佐虞興發白虎樽而羣觀輪輳中

句有脫誤蘭臺令史張元不禁免元令交御覽七百六十一

謝萬

升平五年詔曰前西中郎將謝萬才義簡亮
宜居獻替其以萬爲散騎常侍書鈔五十八初學記十

二御覽二百二十四

蒲林國

興寧元年閏月蒲林國王新開通前所奉表
詣元帝令違到其國慰諭御覽七百八十七
案此條有誤與

寧是哀帝年號不得云元帝又令違上下牀
有脫誤

東堂小會

海西泰和六年三月庚午朔詔曰三日臨流
杯池休東堂小會

初學記四書鈔一百五十五陳補引

朝請

孝武寧康三年詔隴西王世子越駙馬都尉
楊邈並可奉朝請侍從左右與太子遊處

御覽

二百四十三

武寧三年詔曰前相國掾主簿雖奉朝請並

從容閑豫若大縣關宜以治民也

書鈔五十八案晉

一代有咸寧永寧太寧興寧並無武寧年號疑是孝武寧康脫去孝康二字耳若大縣關四字亦有脫誤

漏刻史

孝武太元十二年有司奏儲宮初建未有漏刻參詳永安宮銅漏刻置漏刻史

初學記二十一十五

白鹿

太元十六年豫章太守范甯獻白鹿一頭二十一年荊州送白鹿晉朝白鹿數見諸郡

藝文九

九

宣太后

孝武太元二十年簡文皇帝宣太后正號神

主移廟戊寅日詔移神主可停前殿鼓吹

御

五百三十一

氏爲簡文宣太后在太元十九年

案晉書追尊會稽王太妃鄭

殿中將軍

殿中將軍武帝

當作

太元中募選名家以參

顧問始用琅邪王茂之奏也

書鈔六十六

王恭

武帝

當作孝武

以王恭爲丹陽尹領大詹事恭讓

表曰今皇儲始見四方是式總司之任崇替

所由宜妙柬賢才盡一時之勝豈臣最庸所

可叨忝

御覽二百四十五詹事上有太子一字

書鈔六十五引皇字誤作日王

脫所由二字無末八字

臨川王

安帝二年臨川王寶啟府舍窄狹不足移家

母鍾年高違離靡寧乞還第攝事詔聽之

初學

記十二

御覽二百二十八

臘祠作樂

安帝隆安四年十二月辛丑臘祠作樂

御覽三十

盧循

義熙六年築壘起城於祖浦石頭城施鹿角以禦盧循

御覽三百三十九

王納之議

安帝元興三年十二月明年應郊乘輿未反博訪內外左丞王納之議曰議者謂應郊故

承制中事納之謂大饗大祀大樂皆是承制
不可得命三公行者郊天極尊唯一而已故
非天子不祀也又案武皇受禪用二月郊元
年中興亦以二月今郊時未過日望鸞駕無
爲欲速而據皇輿旋反更不得親奉不如緩
而盡美於是異同難明遂從納之議

御覽五
百二十

安帝詔

安帝詔曰元功盛德超前絕後

文選沈休文
齊故安陸昭

王碑文注

安帝詔曰灑落成勲固秉謙挹

文選王仲寶
楮淵碑文注

帝詔曰若不少順沖旨降損盛制

文選同上
此帝亦當

是安帝

安帝詔曰今權順所請以申超世之美

文選
同上

左史右史

古者天子諸侯二史左史記言右史記事
白帖
起居

常伯中書郎

今之士大夫多不樂出宰牧而好內官今皆
先經外郡治民著績然後入爲常伯中書郎
藝文四十八 御覽二百二十引郡作官

臺郎御史

臺郎御史邦之俊茂

書鈔六十

右婕妤

有司奏今月九日當拜鄭夫人右婕妤案儀

注應服雀釵袿襪

初學記十 御覽一百四十四

程據

太醫司馬程據上雉頭裘非常服也上以損
費功用於殿前燒之

白帖裘

陸機

成都王討長沙王使陸機都督二十七萬衆
圍洛陽四匝夜鼓譟京師屋瓦皆裂

御覽七百六十七

諸葛恢

僕射諸葛恢各稱州都大中正爲吏部尙書
及卽司徒左長史屬掾皆爲中正臣今領吏

部請解大中正以爲都中正職局司理不宜兼者也

御覽二百六十五案語有訛誤

王浹

冠軍將軍王浹表臣以發許昌城內北人諸將孫凱等謀欲逼臣留身驅遣南人臣初出城門乃相纏繞牽臣馬韉臣手刃斬截僅乃得出

御覽三百五十八

陸鸞

廷尉監陸鸞上表求增築訊堂圖書先賢像

詔許之

御覽二百三十一 書鈔五十五引 無上表二字 詠作平先賢下有者字

無末三字

桓石綏

祕書丞桓石綏啟校定四部書

書鈔五十七

何澄

何澄遷左僕射領選以腳疾辭詔聽不朝在

家視事

書鈔五十九 陳補

顏延之

鎮東司馬顏延之坐圍棋免官

御覽七百五十三

徐道霸

徐道霸蟻聚堅城因山固守令董率諸軍圍
塹四合高撞雲梯三方並攻卽日登城斬徐
道霸以釁鉦鼓

御覽三百三十六

檀道濟

檀道濟所向風靡

文選任彥昇奏彈曹景宗

宋公表

宋公表曰臣實庸固

文選任彥昇奏彈曹景宗

宋公表曰權由情奪

文選任彥升齊竟陵文宣王行狀

宋公表曰董司乖方過實引罰

文選同止

感老君

太陽佐祠丞有母云感老君生丞相中貴畫
作九龍幡遂羣聚弃市

御覽三百四十一

鐘十二枚

咸熙十年漢中民間水涯有異聲若雷旣而
兩岸崩有鐘十二枚出制作精巧擊之有和
聲清韻

書鈔一百八
號此二字有誤

案晉一代無咸熙年

燉煌

咸亨三年燉煌上送金銅主

主字疑誤

金中不淘

不消可以切玉出天竺

御覽八百十三
晉無咸亨年號

案

大蛇

齊有大蛇長三百步負小蛇長百餘步逕於
市中市人悉觀自北門所入處也

水經淄水
注

補遺

元康元年五月白鼠一見東宮

初學記二十
九

文選任彥升奏彈曹景宗注引大司馬表

曰園林辱於非所不知所屬姑附於末